

stellarum in Cassiopea, & metamorphosis vilioris membri in nobilius, in mente concepta, delusus est. Quomodo aliàs in Chrysopœa arte, quam profitetur, eandem deceptionem sæpè illi usu venisse haud dubia fide accepimus: quando transmutationem plumbi in aurum, eiusdemque multiplicationem, cum magna multorum pernicie professus est, & impudenter quibusdã persuasit se à summo Christiana Reipublica Principe stipendio conductum. Hinc prudentes aestimatores, non iam ex unguibus, ut dicitur, Leonem, sed ex tota pelle, & uniuerso corporis habitu integram huius metamorpheutici naturam facillimè cognoscerent.

Postremò non defuerunt, qui huic stella motum quendam versus Boream, alii titubationis, utrunque illis ipsis ignotum, adscribebant: sed verius est omnibus illis mentem titubasse. Et quia motum illum non explicant, eo ipso persuadent nullum esse. Hæ fuerunt opiniones de hac stella, quas non modò recitauimus, sed etiam pro mediocritate nostra diluimus. Vnde palàm esse potest hanc stellam non esse undecimam Cassiopea, neque ullam ex stellis fixis, aut planetis, neque elementarem esse, neque cometen rectè appellari posse. Restat ut in sequenti capite nostram de ea stella exponamus sententiam.

Quòd hæc stella penitus noua & præternaturæ ordinem in æthere posita sit.

Cap. 3.

F 2